



[WWW.SOLODIPUEBLO.COM](http://WWW.SOLODIPUEBLO.COM)



[SOLODIPUEBLO@GMAIL.COM](mailto:SOLODIPUEBLO@GMAIL.COM)

## LEONARDO FIGAROA NO MESTER TIRA CULPA RIBA SOLO DI PUEBLO



## AVP KIER CONVERTI ISLA DE ORO DEN CAMPO ALEGRE

Candidato de AVP a propone pa transforma  
Isla de Oro en un “Campo Alegre”



## E CARACTER CORUPTO DI AVP SU ATAQUE RIBA HUSTICIA

## OTMAR ODUBER A EXPRESA FRUSTRACION PA RETRASO DI CASO FLAMINGO



Hof a rechaza keho di  
abogado di Gobierno contra  
Hues

**CASO SUMARIO  
DI FUNDACION  
PARKE NACIONAL  
CONTRA GOBIERNO  
Y J.O.B. HOLDING  
MANAGEMENT LO SIGUI**



Parlamentario Ricky Hoek (MEP):

PELIGER! MIKE EMAN ATROBE CU UN ‘KAT IN DE ZAK’



, Aruba 15 april 2024: Den e dianan tras di lomba por a scucha den medianan di comunicacion e declaracion engañoso di Mike Eman cu ta; Redobla pensioen cu 50% pa e pensionadonan. Esaki sigur ta un bon has cu Mike Eman kier uza pa gara un biaha mas na manera engañoso e pensionadonan, Parlamentario Ricky Hoek di Fraccion di MEP a declara.

Hecho ta, cu accion ta pisa mas cu palabra y cu Gabinete Wever-Croes I & II si a hisa e suma di pensioen. Contrario na Mike Eman cu a corta den e cartera di e

pensionadonan.

Aki ta sigui un resumen di e sumanan di pensioen durante gobernacion di AVP for di 2009 pa 2017 y bou di gobernacion di MEP for di 2017 pa 2024. Durante cu Mike Eman tabata lidera pais Aruba, su intencion no tabata pa yuda e pensionadonan, manera e la insinua den prensa.

Ata prueba aki

Na aña 2009 ora Mike Eman a bira prome minister e suma di pensioen di biehes di un persona soltero tabata 1.057 florin. Bo sa cu cuanto placa Mike a aumenta esaki den su 8 aña di gobernacion? Cu solamente 50 florin!

Den caso cu pone e reparatietoeslag acerca cu na 2017 tabata 100 florin, e aumento ta bira 150 florin den 8 aña. Laga nos haci un comparacion. Bo sa cu cuanto gobierno di MEP a aumenta e pensioen pa un persona soltero

incluyendo e aumento extra di reparatie toeslag? Esaki ta nada menos cu un suma di 228 florin! Esaki ta pa ilustra cu e aumento bou gobierno di MEP ta 52% mas hopi compara cu e aumento bou gobierno di Mike Eman.

Ata mas prueba aki pa pensionado pareha casa

Mescos cu na 2009 ora Mike Eman a bira Prome Minister, e suma di pensioen di biehes pa pareha casa tabata 1.780 florin. Bo kier sa kico ta e suma cu e a aumenta esaki den 8 aña? Cu solamente 84 florin! Si agrega e reparatietoeslag cu na 2017 tabata 100 florin, e aumento ta bira 184 florin den un periodo di 8 aña.

Si nos bolbe haci un comparacion entre e gobernacion di AVP y esun di MEP, por constata cu gobierno di MEP a aumenta e pensioen pa pareha casa incluyendo e aumento extra di reparatie toeslag na un suma di 336

florin. Loke ta nifica cu e aumento bou gobierno di MEP ta 83% mas cu e aumento bou gobierno di Mike Eman.

Ta importante pa remarca lo siguiente. E aumento di pensioen cu gobierno di MEP a ehecuta ta completamente responsabel basa riba

investigacion y calculacion realistico.

Por ultimo por conclui cu ambos Gabinete Wever-Croes tin e interes di nos pensionadonan na pecho y pa aña 2025 lo aumenta pensioen di biehes pa di 5 biaha, Parlamentario Hoek a finalisa bisando.



Announcement of the  
Government of Aruba (GOA)  
Bonds Issue – Afl. 110,000,000  
6.50% May 10, 2024 – May 10, 2038  
Tranche I

Issuance pursuant to the State Decree of April 11, 2024 no. 1 in implementation of article 2 of the State Ordinance of December 20, 2023 establishing the budgets of the Ministries of Aruba for the 2024 service year and authorizing the Minister of Finance to cover its financing needs in the 2024 service year (AB 2023 no. 68), the articles 3, 5, 6, second paragraph, 7, 15, 16 and 17 of the State Ordinance Treasury Paper (AB 1987 no. 3), and articles 2, 3, 4, 9, first and third paragraph, 10, 11, 12, second paragraph, 13, 14, first paragraph, part a, and second paragraph, 16, 17, second paragraph, 18, 19, 20, 27, 28 and 29 of the State Decree on Treasury Paper (AB 1988 no. 6).

The Central Bank of Aruba (CBA) informs you of the upcoming GOA bond issue on May 10, 2024.

|                  |  |
|------------------|--|
| Amount:          | Afl. 110,000,000<br>(Afl. hundred and ten million) |
| Coupon rate:     | 6.50 percent                                       |
| Maturity:        | 14 years   |
| Redemption date: | May 10, 2038                                       |

Participation in the upcoming GOA bond issue is only allowed through the intermediation of a commercial bank. **Only natural persons and entities that are residents of the countries within The Kingdom of the Netherlands are allowed to participate in the bond issue. Application forms should be submitted by the public to their respective local commercial bank at the latest on the cutoff date and time stipulated by their respective local commercial bank.** Subsequently, the commercial banks will submit these application forms to the CBA on the cutoff date and time applicable for these commercial banks, which is **Thursday, May 2, 2024 at 12:00 p.m. at the latest**

Aruba, April 16, 2024  
Centrale Bank van Aruba

POLIS A SERA CAMINDA PA AUTO CU A DAÑA NA ROTONDE HATO



Diadomingo madruga durante patruya polisnan atento di distrito 2 (Noord) a bin topa cu un stagnacion di trafico na e rotonde Hato, pa alivia e situacion polis a sera parti di e caminda pa asina mientras ta laga hala e auto trafico por sigi. Despues di un rato polis a habri e caminda bek ya cu a logra hala e auto.



# LEONARDO FIGAROA NO MESTER TIRA CULPA RIBA SOLO DI PUEBLO

den comunidad. Nos proposicion ta lo siguiente: **1. Gobierno mester reduci su gastonan di personal door di saca 1500-2000 empleado for di sector publico.** Crea un social vangnet pa negosha cu sector priva un transicion. **2.** Mester sinta cu sector priva pa e 7% di BBO no tin un winstmarge pa companianan cu ta cobra mas cu e porcentahe aki. Na final e BBO ta un ondernemingsbelasting cu ta aftrekbaar den e winstbelasting y BBO bij invoer tambe ta aftrekbaar pa e sector cu tin handelsgoederen aplicabel. No tur ora cu comercio grita cu e cost of doing business a subi esaki automaticamente ta berdad. E ta importante pa introduci un consumenten organisatie bond pa check e prijsnan di diferente sector

Dialuna mainta Solo di Pueblo a tuma nota di algun preocupacion expresa pa Leonardo Figaroa riba un noticia cu Solo di Pueblo a presenta siman pasa di “manda 2000 ambtenaar cas”. Aparentemente Figaroa no ta satisfecho cu e forma cu e noticia a wordo presenta y el’a expresa su descontento publicamente.


Nos kier aclara cu, como mediodicomunicacion, nos a presenta e informacion di manera preciso y husto. E articulo encuestion ta refleha corectamente e declaracionnan cu Leonardo Figaroa a haci den un comunicado di prensa. Solo di Pueblo no a altera e punto number 1 den su comunicado.

Nos por compronde cu segun Figaroa cu su mensahe a wordo saca di contexto, pero ta importante pa informa cu e mes a admiti cu Solo

di Pueblo a presente na un manera preciso. Por lo tanto, su afirmacion cu no a pidi’e permiso pa publica e noticia of no a puntre su opinion ta carece di base, comoquiera cu nos a quote su propio comunicado di prensa.

Relaciona cu su acusacion cu nos no ta cumpliendo cu standard di periodismo of decencia o etica di periodismo, nos no ta di acuerdo cune. Nos semper a mantene integridad y obhetividad den nos cobertura periodistico y nos no a cambia nada nada di su mensahe original. Nos a publica su punto number 1, intacto.

Solo di Pueblo ta sigui comprometi pa duna noticia imparcial y nos ta invita Figaroa of cualkier otro individuo pa comunica cu nos si nan tin cualke preocupacion riba nos cobertura. Hunto nos por traha pa garantisa cu



tur vos ta wordo scucha na manera husto y preciso.

E reclamo di Figaroa tabata riba e hecho cu e ta pidi pa Gobierno manda 2000 persona cas. Den su declaracion haci dialuna e mes ta admiti cu esaki ta corecto, cu ta esaki mes el’a pidi pa transiciona 2000 persona pa sector priva. Di kico e kier culpa Solo di Pueblo? pa nos ta incomprendibel.

Pa no laga espacio pa duda, nos ta pone e prueba di su propio comunicado pa asina cada ken por saca nan mes conclusion.

## AVP KIER CONVERTI ISLA DE ORO DEN CAMPO ALEGRE

### Candidato de AVP a propone pa transforma Isla de Oro en un “Campo Alegre”

Den un reciente comentario di Terrance Ras, un aspirante pa subi lista di AVP, el’a boga pa converti Isla de Oro den “campo alegre”. Esaki a genera controversia den comunidad. Ras ta sugerir pa traslada e zona di prostitucion di Sanicolas pa Pos Chikito na Isla de Oro, cual lo ta un solucion pa desaroyo. E idea aki a trece varios reaccion den comunidad mirando e tema sensible, esta

prostitucion y tur loke ta draai rond prostitucion. .

Ta importante pa signala cu Campo Alegre na Curacao cu Ras ta referi na dje, tabata sitio di problema durante varios aña. Autoridadnan a lucha contra labamento di placa y otro actividadnan ilegal unda hasta tabata sitio di problema.





# Hof a rechaza keho di abogado di Gobierno contra Hues

## CASO SUMARIO DI FUNDACION PARKE NACIONAL CONTRA GOBIERNO Y J.O.B. HOLDING MANAGEMENT LO SIGUI



Hof di Corte Superior awe a tuma decision den e procedura di keho di parti di abogado di Gobierno, mr. Emerencia, contra e Hues cu tabata trata e caso sumario cu Fundacion Parke Nacional Aruba (FPNA) a cuminsa contra Gobienro di Aruba y J.O.B. Holding Management V.B.A. (JOB). E caso sumario ta

relaciona e prohibicion cu FPNA ta exige pa Gobierno no prolonga e tereno “erfpacht” di Isla di Oro cu lo mester caduca 14 Februari 2026.

**DISCUSION DEN CORTE**  
Durante tratamento di e caso sumario 5 April 2024, Hues a puntra e abogado di Gobierno si Gobierno

lo bay atene su mes na caduca e erfpacht riba 14 Februari 2026. E abogado di Gobierno a reacciona cu Gobierno tin e derecho di tuma decision si ta caduca of prolonga. Riba esey, Hues a remarca cu el a yega di atende varios caso caminda Gobierno no ta mantene su mes na decisionnan haci. Ariba e remarke aki, e abogado di Gobierno a keha e Hues pasobra e ta haya cu ya e Hues a duna di conoce kico su opinion ta di e caso.

**HOF A TRATA E KEHO**  
Relaciona cu e keho, tres Hues cu ta forma Hof a atende e caso, caminda a scucha e abogado di Gobierno y e otro

partidonan tambe tabata presente.

**HOF TA RECHAZA KEHO CONTRA HUES**  
Awe Hof a duna di conoce su decision caminda e ta rechaza e keho di Gobierno

contra Hues. Hof ta haya cu e remarke di Hues no ta muestra cu el a tuma un decision. Hof a instrui pa sigui cu e tratamento di e caso sumario manera e tabata.



# BISIÑANAN NA TAMARIJN A BAY YUDA DAMA CUAL SU EX A BIN CAUSA DAÑO NA E DAMA Y SU PROPIEDAD

Diadomingo a drenta informe di un problema cu destruccion na un adres na Tamarijn, mesora a dirigi patruya na e sitio. na yegada di e patruya a bin compronde cu un ex-amigo a presenta na un cas y a causa destruccion y kier a manda e dama cu un piedra. Bisiñanan atento mesora den e oranan sagrado ey a drenta den accion y a evita e homber sigi cu su agresion y destruccion, nan a manda e homber vloer y a want'e abao te ora polis a yega. Na yegada di e patruya mesora a detene e agresor y a pidi



e vehiculo di transporte pa bin busk'e y hib'e na warda di polis pa su destruccion. Ela destrui e dama su auto

y a ranca e plachinan di number di auto. Awor e mester bay paga pa tur e daño causa.



**Announcement of the  
Government of Aruba (GOA)  
Bonds Issue – Afl. 50,000,000  
5.50% May 10, 2024 – May 10, 2030  
Tranche II**

Issuance pursuant to the State Decree of April 11, 2024 no. 1 in implementation of article 2 of the State Ordinance of December 20, 2023 establishing the budgets of the Ministries of Aruba for the 2024 service year and authorizing the Minister of Finance to cover its financing needs in the 2024 service year (AB 2023 no. 68), the articles 3, 5, 6, second paragraph, 7, 15, 16 and 17 of the State Ordinance Treasury Paper (AB 1987 no. 3), and articles 2, 3, 4, 9, first and third paragraph, 10, 11, 12, second paragraph, 13, 14, first paragraph, part a, and second paragraph, 16, 17, second paragraph, 18, 19, 20, 27, 28 and 29 of the State Decree on Treasury Paper (AB 1988 no. 6).

The Central Bank of Aruba (CBA) informs you of the upcoming GOA bond issue on May 10, 2024.

|                  |   |
|------------------|---|
| Amount:          | Afl. 50,000,000<br>(Afl. fifty million) |
| Coupon rate:     | 5.50 percent                            |
| Maturity:        | 6 years                                 |
| Redemption date: | May 10, 2030                            |

Participation in the upcoming GOA bond issue is only allowed through the intermediation of a commercial bank. **Only natural persons and entities that are residents of the countries within The Kingdom of the Netherlands are allowed to participate in the bond issue. Application forms should be submitted by the public to their respective local commercial bank at the latest on the cutoff date and time stipulated by their respective local commercial bank.** Subsequently, the commercial banks will submit these application forms to the CBA on the cutoff date and time applicable for these commercial banks, which is **Thursday, May 2, 2024 at 12:00 p.m. at the latest**

Aruba, April 16, 2024  
Centrale Bank van Aruba



# ARUBA BANK Y SENTOO TA ASOCIA PA HACI PAGONAN LOCAL ONLINE FACIL

Oranjestad – Maart 15, 2024: Aruba Bank ta anuncia cu orguyo un colaboracion strategico cu Sentoo, un metodo di pago interno di confiansa pa un miho comodidad di e cliente. E sociedad aki ta permiti na e cliente di Aruba Bank uza sin niun problema Sentoo pa diferente transaccionnan online, incluyendo compra den webshop y pagonan a traves di links of QR code. Sentoo ta debita di manera eficiente e transaccionnan den e cuenta di tur usuario di Aruba Bank, garantizando un proceso di pago sigur y senciyo. E integracion aki ta den su fase final y lo ta disponibel pa cliente di Aruba Bank den e proximo lunanan. Innovacion den Pago

Online Sentoo ta ofrece solucionnan na vanguardia pa haci pagonan directo na compania y organizacionnan a traves di Online Banking. Cu conexcion directo na Online Banking y e Mobile App di Aruba Bank, Sentoo ta simplifica e proceso di pago, mehorando e experiencia general di pago online pa e cliente di Aruba Bank. “Na medida cu mas persona ta duna prioridad na e comodidad, Aruba Bank ta compromete pa ofrece solucionnan innovativo manera Sentoo. E colaboracion aki ta alinea cu nos compromiso di duna serviccionan financiero eficiente y

sigur”, ta afirma Ramon Mas, Head of Corporate and Platinum Banking Aruba Bank N.V. Transaccion mas facil y rapido Sentoo ta elimina e necesidad pa cliente tin cu bishita e sucursalan of tin cu introduci di forma manual informacion di pago. E cliente di Aruba Bank pronto lo tin acceso na Sentoo sin registracion adicional y sin download un app, y no tin costo adicional asocia pa e consumido. Transaccion Online di forma sigur Pa e cliente comercial di Aruba Bank, e asociacion aki ta permiti pa nan registra cu Sentoo pa



acepta pago online di un forma sigur. Sentoo ta ofrece solucionnan pa e comercio electronico, facturacion y donacionnan cu ta cumpli cu stricto rekisitonan bancario. Vincent van Rutten, cofundador di Sentoo ta expresa hopi entusiasmo pa e colaboracion y ela bisa: “Nos ta hopi complaci di introduci esaki pronto na Aruba Bank. E asociacion aki ta refleha e reconocimiento

di Aruba Bank na Sentoo como un solucion alinea na e necesidad y expectativanan cambiante di e consumidornan.” Pa mas informacion bishita <https://sentoo.io> Pa mas informacion tocante Aruba Bank y Sentoo, y pa aaplica, por favor bishita [www.arubabank.com/sentoo-for-business](http://www.arubabank.com/sentoo-for-business) - Fin di e comunicado - English FOR IMMEDIATE


## EKIPO DI ARUBA BANK TA TRIUNFA NA E DI 32 EDICION DI "RONDE VAN ARUBA"



Oranjestad, Aruba – 15 di april 2024 - Despues di un evento emocionante, Aruba Bank N.V. ta orguyoso pa anuncia su exitoso participacion den e careda "Ronde van Aruba" siman pasa, April 12. Esaki ta marca e di seis aña consecutivo di nos participacion den e evento deportivo grandi aki. Nos ekipo a sobresali riba e ruta, Patty liderando riba Ruta 1 y 5, Roxy dominando riba Ruta 2 y 6, Diego riba Ruta 3 y 7, y Ada riba Ruta 4 y 8. Nan dedicacion ta berdaderamente uno di admira. Aruba Bank ta orguyoso

di a patrocina e ekipo dinamico aki y di a forma parti di nan exito. Pabien na tur e participantenan di “Ronde

van Aruba” pa nan participacion, como tambe na e organisadornan, pa haci e evento aki un experiencia memorabel.



**ANUNCIO/BLBA/093/24**

Mediador di Gobierno na Aruba ta anuncia cu a base di articulo 1 inciso 2 di “Arbeidsvredebesluit 111” cu e siguiente peticion a ser ricibi pa tene un Referendum bao di e empleadonan di e empresa menciona aki bao.

Number **peticionario**: “Federacion di Trahadornan di Aruba (FTA)”

Number **EMPRESA**: “GIGICHA N.V.” (Seaview Contractor & Investment2)

Atencion ta wordo poni ariba posibilidad pa sindicatonan interesa pa dentro di **14 dia** despues di e fecha di e anuncio aki, trece nan deseo pa participa na dicho Referendum na conocemento di Mediador.

Oranjestad, 15 april 2024

Mediador di Gobierno  
Anselmo Pontilius



# OTMAR ODUBER A EXPRESA FRUSTRACION PA RETRASO DI CASO FLAMINGO

Den un declaracion pa prensa emiti dialuna mainta, Otmar Oduber a expresa su frustracion pa e retraso di e proceso hudicial relaciona cu e caso Flamingo. Segun Oduber, na juni 2024 corte lo cuminsa scucha e 30 testimonan cu ta relaciona na e caso.

E ex minister a continua su confrontacion cu Ministerio Publico den e

caso, y a expresa su repudio pa e tardansa di e proceso. Despues di ocho luna, e caso finalmente lo avansa, brindando e oportunidad di scucha e version di e testimonan.

E solicitud di Oduber pa scucha 30 testigo, cual a wordo concidi pa corte, a wordo mira como un victoria chikito, pero e tardansa grandi pa e proceso a causa frustracion

serca e ex minister.

Cu eleccion ta dilanti porta, e futuro di e politico Oduber ta den wega. Sin un sentencia definitivo den su caso, Oduber ta haye stroba pa avansa cu su plan relansa su mes den su partido nobo.

Den e 30 testimonan corte lo scucha Marisol tambe, kende ta esun cu a denuncia Oduber.



## Ministerio di Husticia y Asuntonan Social:

# LUNA NACIONAL DI CONSCIENTISACION CONTRA ABUSO DI MUCHA: CONSCIENTISACION TA IMPORTANTE DEN COMBATIMENTO

Diabierna ultimo, en conexion cu Luna Nacional di Conscientisacion Contra Abuso di Mucha Minister di Husticia y Asuntonan Social sr. Rocco Tjon, conhuntamente cu demas ministernan y parlamentarionan a sende e luz blauw como gesto simbolico di e compromiso cu Gobierno di Aruba tin pa cu e lucha aki contra abuso di mucha.

Gobierno di Aruba tin como compromiso pa salvaguardia e bienestar y e futuro di nos muchanan. Un compromiso cu ambos Gabinete Wever-Croes I y II a bin ta traha hopi duro riba dje. Na aña 2020 cierto cambionan den ley a tuma luga, pa asina aumenta e castigo pa e tipo di delitonan aki, cambio den maneho tambe a tuma luga, di cual awe nos ta conoce 'richtlijnen' cu Ministerio Publico ta uza, ora ta trata delitonan

di abuso sexual.

Banda di esaki, a introduci tambe diferente metodonan di trabou pa asina por salvaguardia e bienestar di nos muchanan mucho mas miho. Asina por menciona cu a conoce introduccion di e metodonan di 'signs of safety' y 'codigo di proteccion'. Ademá, mas recien un cantidad halto di profesionalnan a gradua den e metodo di 'multi-dimensioneel familie therapie'. Pues, ta trata di metodonan cu ta bay percura pa detecta señalnan di abuso di mucha mucho mas trempan, pa asina por brinda guia y sosten pero tambe pa por investiga e tipo di casonan aki mucho mas eficiente.

Tambe, tin introduccion di institutonan nobo, como tambe funcionarionan nobo manera medico

forensico, y na luna di Juni binidero tur cos lo culmina cu e inauguracion di e Family Justice Center. Family Justice Center ta destina pa Jeugd en Zeden Politie hunto cu Bureau Slachtoffer Hulp y Mediconan Forensico, pa di e forma aki por investiga e tipo di casonan aki mucho mas miho, y asina presenta un caso mucho mas solido dilanti huez, pa asina e castigo por wordo duna. Banda di esaki e guia y sosten pa e victima tambe ta hopi importante, pues tambe ta wordo teni den consideracion.

Crea conscientisacion ta importante, pa cual a decreta luna di april como luna di conscientisacion nacional contra abuso di mucha. Crea conscientisacion ta un stap importante pa contraaresta abuso di mucha. Durante henter luna di april tin diferente



charlanan andando di diferente organisacionnan, un esfuerzo colectivo di henter nos comunidad conhuntamente cu Gobierno di Aruba.

Diabierna, Gobierno a ilumina Bestuurskantoor na color blauw, como gesto simbolico di e compromiso cu Gobierno di Aruba tin pa cu e lucha aki. Cada un di nos tin e responsabilidad pa mobilisa accion contra e crimen di abuso di mucha. Comision nacional contra abuso di menor, fundacion respetami, o r g a n i s a c i o n n a n

gubernamental como tambe no-gubernamental y comunidad di Aruba henter, a renoba e compromiso cu nos muchanan. Colectivamente ta e herment di mas fuerte pa combati abuso di mucha.

Por ultimo, minister Tjon a gradici tur profesional cu dia aden y dia afo ta traha hopi duro y hopi biaha e esfuerzo no ta wordo mira ni aprecia, pero esaki sigur no ta en vano, cada esfuerzo ta wordo aprecia enormemente den e lucha contra di abuso di mucha.



# EXITOSO CURSO DOCTOR ON BOARD ORGANISA PA HOH ACADEMY

A comparti informacion y herment balioso pa ora tin emergencia medico riba avion



Siman pasa pa tres dia largo Horacio Oduber Hospital (HOH) a ofrece e curso Doctor On Board duna pa KLM Health Services. Durante e curso interactivo aki, e participantenan a haya sa mas tocante kico pa haci na momento cu un incidente medico tuma luga den avion. Lenie Denteneer, Manager di HOH Academy, a duna di conoce cu Doctor On Board ta un curso organisa pa HOH Academy conhuntamente cu KLM Health Services y cu e ta un curso masha popular mes na Hulanda. Hasta tin un lista di espera na Hulanda cu por bay te cu 2 aña di hende interesa pa forma parti di e curso Doctor On Board. HOH a organisa un total di tres dia di curso, pues cada dia un grupo tabatin e oportunidad pa forma parti di e curso interesante pa asina siña riba diferente topico cu ta importante pa sa asina cu

aborda un avion di KLM.

## Dokter durante vuelo

Entre e topiconan cu a papia riba dje durante e curso aki tabata entre otro: kico por spera durante un vuelo, kico ta nifica fit to fly, kico e efecto di biahamento tin riba e curpa di e ser humano, kico tur tin den e medical kit abordo y no lubida e aspectonan huridico y di seguro. Ta importante pa un doctor of otro medico ta bon informa riba kico tur ta sosode na momento cu pidi pa duna asistencia medico durante un vuelo. E cursistanan a siña cu ta obligatorio pa meld nan mes pa duna asistencia (esnan BIG registra) y kico ta pasa 'behind the scenes' ora e 'crew' haci un yamado di emergencia.

## Bon prepara

Jacco Vroegop, participante y alabes presidente di Hunta di

Directiva di HOH a expresa cu e ta masha contento cu HOH Academy a organisa e curso aki. E ta haya e curso masha interesante y a duna di conoce cu e curso a duna esnan cu a participa diferente herment pa si acaso algo sosode durante un vuelo. Vroegop a expresa di ta contento cu KLM a organisa e curso aki hunto cu HOH Academy y cu hopi especialista, dokter di cas y enfermera specialisa a probecha di e oportunidad cu e curso aki ta brinda p'asina ta prepara na momento cu algo sosode den avion. Ademá a conta tambe cu diferente dokter di afo a biaha bin Aruba specialmente pa e curso aki.

## Un curso interesante

Reina Fernandes, participante di e curso y alabes dokter di cas, a comenta cu el a inscribi na e curso aki pa dos motibo importante. E prome motibo ta cu como dokter hopi biaha nos por yuda durante un vuelo y cu e curso aki a brinda e informacion tocante kico tur tin y kico tur por haci. E di dos motibo pa cual ela inscribi na e



curso ta pasobra algun luna pasa HOH Academy a organisa un curso tocante antibiotica y dokter Fernandes a gusta e contenido y calidad halto di e curso masha hopi mes. Esey a pone cu el a keda masha interesa pa sigui inscribi y participa na tur e cursonan cu HOH Academy ta organisa.

## Aspecto medico di aviacion

Peter Nijhof, dokter di cas y luchtvaart- en LCR reizigersgeneeskundige na KLM Health Services Hulanda, a duna di conoce cu ta prome biaha cu ta organisa e curso aki pa

profesionalnan den Caribe Hulandes. E curso tabata uno hopi agradabel y alabes interesante pa haci. E motibo principal pakico ta conseha e dokternan na Hulanda pa tuma e curso aki ta pa siña nan tocante e aspectonan medico na momento cu algo pasa durante un vuelo.

Un gradicimento y pabien ta bay na team completo di HOH Academy cu a traha duro pa logra trece e curso fructifero aki Aruba. A logra un bes mas pone Aruba riba mapa cu otro curso medico di primicia y calidad halto pa nos isla.



# MINISTER ENDY CROES TA FELICITA SR. IVAN JANSEN CU SU IMPRESIONANTE DOCUMENTAL



: Diaranson anochi na Cas di Cultura, Minister Endy Croes acompaña pa su kerida esposa Dilailah Croes – Odor a presencia estreno di documental di e artista y musico Arubiano Sr. Ivan Jansen titula: Documental Ivan Jansen, produci door di nos yiunan di tera. Sr. Jansen no ta un persona desconoci den nos comunidad. Ivan ta musico, guitarista

clasico y di jazz, productor, compositor, arreglista, educado, lider di banda y empresario. Minister Endy Croes a expresa cu esnan presente por a siña hopi mas di e impresionante carera di Sr. Ivan Jansen.

Ivan a siña, traspasa su conocimiento y a inculca e amor pa musica di folklore na hopi hoben y musico cu awe ta musiconan exitoso. Cu e documental aki nos ta cera conoci cu e musico Ivan hopi mas di cerca. Ivan ta comparti historia di su carera musical, su conocimiento, produccionnan, su contribucion na diferente musico y/of artista local, su logronan local y internacional y e retonan cu el a encontra durante su carera musical. Den nomber di Gobierno di Aruba, Minister di Cultura Sra. Xiomara Maduro a otorga Sr. Jansen un reconocimiento pa su contribucion significante na e herencia cultural musical di Aruba. Pa conclui, Minister Endy



Croes ta felicita Sr. Ivan Jansen y famia.


tur loke cu nan a haci pa Aruba. Danki pa contribui na nos herencia cultural y musical.

Alabes ta gradici nan pa

## CHAUFFEUR PURA PA DAL SU DELICIOSO DESAYUNO DI WENDY'S TEMPRAN A PEGA NA SOÑO PROME CU E DRIVE-THRU A HABRI

Diadomingo mainta a drenta informe pidiendo un patruya na un fastfood restaurant na Belgiëstraat pa un asistncia, mesora a dirigi un patruya na e sitio. Na yegada di e patruya a bin compronde cu tin un pick-up para na drive-thru di Wendy's for di prome cu nan a habri. Ora nan a habri tabata yam'e via e speaker pero como cu su bentana tabata full sera y glas scur no tabata sa si algo por a pas'e y pesey a pidi polis.

Polis a bati duro riba e bentana y e chauffeur a lanta. A bin resulta cu e chauffeur tabata tin hopi hamber y kier a desayuna un delicioso desayuno di Wendy's pero como nan no a habri ainda ela pega soño!





# MINISTER MADURO DI FINANSA TA ATENDE REUNIONNAN DI IMF SPRING MEETINGS NA WASHINGTON DC



E siman aki Minister Maduro di Finansa ta na Washington DC pa atende IMF Spring Meetings. Durante e siman aki e mandatario ta lo atende diferente reunion cu ehecutivonan di IMF y tambe di Banco Mundial. Minister Maduro lo reuni

tambe cu e companianan di rating y cu banconanan cu ta interesa den inverti den Aruba. Un delegacion cu ta consisti di Minister di Finansa hunto cu ehecutivonan di Banco Central, Departamento di Finansa y nos Minister Plenipotenciario sra. Zulema Dabian-Erasmus lo representa Aruba e siman aki na IMF Spring Meetings.

Aruba a bin ta conoce bon evaluacion financiero y economico e ultimo añanan aki danki na,



entre otro, e contactonan regular cu Minister Maduro di Finansa ta tene cu e instancianan

y inversionistanan cu ta keda wordo teni na altura di locual ta e desaroyonan na Aruba.

## Prome Minister Evelyn Wever-Croes:

### Cu alrededor di 700 participante, Ronde van Aruba tabata un exito PROME MINISTER TA FELICITA TUR E ATLETANAN CU A PARTICIPA Y GRADICI NAN PA ENGRANDECE DEPORTE NA ARUBA



Diabierna anochi a tuma lug a magno evento deportivo Ronde van Aruba 2024. Prome Minister Evelyn Wever-Croes tabata presente na Marinierskazerne na unda el a duna un discurso cortico prome cu e evento a cuminsa. Ronde van Aruba ta un evento deportivo hopi conoci y gusta pa esnan cu ta den e mundo di coremento, mirando cu

e ta un reto hopi grandi pa cada un di nan como deportista.

Evento a cuminsa pa 8or di anochi na Marinierskazerne, y a conta cu alrededor di 700 participante cu a core rond di Aruba, pa termina den oranan di mainta bek na Marinierskazerne. Pa e competencia aki, tabata tin atletanan den grupo y individual.

Prome Minister a expresa, cu pa presencia e comienso di Ronde van Aruba, na unda tur e atletanan a prepara pa cuminsa, tawata un sentimento particular, na unda por sinti e vibracion di




positivismo, y e amor cu cada atleta tin pa e deporte di coremento. Pasobra, pa por logra competi den un evento di e magnitud aki, ta tuma hopi dedicacion, disciplina, determinacion, y e deseo pa por yega te na final exitosamente.

"Como Prome Minister di pais Aruba, mi ta hopi orguyoso di cada un di e atletanan cu a tuma e reto aki di participa na Ronde van Aruba. Un danki

na Marinierskazerne pa organisa e evento aki, y na tur e sponsornan cu a haci esaki posibel. Por ultimo, mi kier a gradici tur e participantenan pa ta un inspiracion pa cada un di nos, y pa nan contribucion na engrandece deporte na Aruba", Prome Minister a epxresa. Pabien na tur participante y na e ganadonan di Ronde van Aruba



# PERSONA TUR NA SANGER BANDA DI MISA DI NOORD



Diadomingo madruga a drenta informe di cu tin un persona tur na sanger na e bushalte dilanti di misa di Noord, mesora a dirigi un patruya na e sitio. Na caminda pa e sitio a drenta otro informe di

cu un persona den un pick-up a para p'e subi y tabata hibando e pa hospital. Polis a logra para e pick-up aki na Bubali. Mirando cu e ta sangrando hopi polis a pidi presencia di ambulans na e sitio cu urgencia.

Eynan e victima a bisa polis cu el a haya problema cu hende entre bar club y carwash. Polis a ripara cu ta 2 kap e tin y ningun rasca esey a pone polis duda y a laga recherche y e investigadornan tecnico y forensico bay na e sitio di e suseso banda di e botica pa inicia cu e investiga-



cion.

Na yegada di ambulans nan a atende y a transporte pa hospital. Na e bushalte a bin encontra cu plasnan di sanger y banda

di e carwash a haya sanger y botter kibra riba vloer tambe bushalte dilanti misa unda a haya evidencianan di un tas cu basta droga den dje.

## POLIS A BAY TRAS DI NISSAN MARCH UNDA 2 MUHE TABATA PLEITA CU OTRO DEN AUTO



Polis mester a ranca bay tras di un Nissan March despues cu a wak dos dama ta bringa banda club na Noord, polis a logra para e auto na Alto Vista. Eynan mesora mas patruya a yega serca y a bin compronde cu dos dama cu ta ruman cu otro a haya problema unda nan guynan cu ta di Curaçao a dicidi tra-

pa bay. Pero polis a para nan y pone nan plat, nan a comporta y duna polis tur autoridad pa controla. Un a splica kiko a pasa unda nan mes no sa dicon e dos ruman kier bringa cu otro. Nan mes a purba calma e dos dama pero sin bon resultado. Polis mester a usa man duro na e damanan pa

asina nan trankilisa y sin problema a subi back e mesun auto pa bay cas. E dos hombernan cu ta di Curaçao a keda agradecido y a duna respet na polis cu a atende cu nan. Nan no a rabia pero a elogia con polis a trata nan unda a yuda nan pa trankilisa e dos ruman muhe cu a haya clash cu otro.

STICHTING VOOR VOLKSHYGIENE VAN  
Het Wit Gele Kruis Aruba  
Sinds 1959 ten dienste van de Arubaanse gemeenschap  
Postbus 486, Oranjestad

Cu inmenso tristeza na nos curazon, directiva, staff, personal y ex coleganan ta participa fayecimento di:



**Zr. Elda Edith Croes**  
"Zuster Judith"

Ex Colega di nos Fundacion Wit Gele Kruis.

Nos ta extende nos mas profundo condolencia na demas famianan y hopi forza den e momentonan dificil aki.

Cu zuster Judith drumi dushi den brasa di Señor



Rycond do Nascimento:

# E character corrupto di AVP su atake riba husticia



Un aña pasa, riba dia 17 di april 2023 mi a sali for di AVP y mi a scohe pa keda den parlamento na interes di Aruba. E motibo pa mi bira candidato y parlamentario di AVP tabata un deseo ferviente pa hisa nivel di politica na Aruba na bienestar di nos pais. Pero, e estado interno di e partido ta pio di locual mi por a imagina. Mi a boga pa reforma interno den AVP. Mi a bisa e lider y partijraad cu sin compromiso cu integridad, AVP no merece e confiansa di pueblo pa goberna. Hasta mi a pone e falta di compromiso di e lider por escrito den un carta p'e. Mi a bay prensa pa pone extra presion riba e partido pa pone interes di nos pais na prome luga. Henter Aruba ta mi testigo cu den e partido interes personal partidario a prevalece y awe mi ta gradici Dios pa mi decision di sali for di un cas cu ta putriendo y for di un partido cu ta un menasa di infeccion pa henter nos pueblo.

Desde e dia ey mi a reflexiona hopi riba e motibonan pakico Mike Eman no por para pa e berdad. Den mi reflexionnan mi ta corda semper con Benny Sevinger mes a hura cu Mike ta corrupto. Por ta un dia e lo kier comparti loke e sa cu pueblo. En todo caso, ora mi analisa e echanan mi mester kere Benny.

Desde momento cu Paul Croes a bira sospechoso na 2017 nos a mira con AVP a ataca henter e sistema hudicial. Ora hues a haya Benny Sevinger culpabel di corrupcion y soborno ta Mike Eman mes a culmina e atake contra husticia. Riba dia 14 di april 2023 Mike Eman a expresa dilanti 24ora cu hues a duna Benny algo di castigo pa scapa cara di Ministerio Publico. Asina Mike a duna un señal cla na su siguidonan pa ataca hues, Ministerio Publico, Hulanda, minister di Husticia Rocco Tjon, Landsrecherche etc. Ken a obedece e yamado di Mike? Entre otro Benny Sevinger mes, Arthur Dowers, Otmar Oduber, medionan di comunicacion (en particular 24ora) y recientemente hasta Gerlien Croes y Wendrick Cecilia.

Tira culpa riba e sistema hudicial ta un strategia di AVP cu ta cuadra cu su deseo pa poder. Tin tres motibo pa e strategia aki. E prome motibo ta trata di manipula opinion publico: si un criminal por convence pueblo cu e sistema di husticia ta corrupto, e criminal por genera simpatia y disminui e grave-

dad di su crimen den wowo di e comunidad. E ta sinti cu esey ta necesario pa por haya suficiente voto pa por bin bek na poder.

E di dos motibo ta trata un "transferencia di culpa": door di pone tur enfoke riba e fayonan di e sistema di husticia, e criminal ta desvia atencion di su propio accionnan. Esey ta crea e impresion cu e ta menos culpabel. Tur cu a mira Enfoke dia 23 di october 2023 por a mira Mike Eman aplica e tactica aki pa haci comosifuera cu e corrupcion cometi pa Paul y Benny no tabatin ningun efecto riba pobreza den nos Pais. Mike ta lansa e mentira aki sabiendo cu corrupcion ta ataca crecimiento economico, ta enriquece un grupito a costo di pueblo y ta mina confiansa di pueblo den nos institucionnan, manera nos sistema di husticia.

E di tres motibo pa ataca e sistema hudicial ta pa purba stop Ministerio Publico di bin cu mas investigacion (manera uno relata na RDA of Hospital). Esey ta un manera ilicito pa presiona Ministerio Publico pa haci e voluntad politico di AVP. Asina nan ta purba atacha e integridad di Ministerio Publico

den ehercicio di su mesun responsabilidad pa tuma un decision equilibra si ta persigui penalmente of no (dominus litis).

Tanten AVP sigui ataca husticia y rechasa un transformacion interno na bienestar di pueblo, e ta keda e enemigo den nos cas. Esaki ta e motibonan pakico mi a sali for di AVP. E rumbo scur cu mi a

mira e partido scohe dia 14 di april 2023 no a cambia y awe Mike ta bezig ta consolida maldad. P'esey e ta importante pa nos keda "ojo pelao" cu e strategia di ataca husticia cu ta un tactica di manipulacion masha normal pa criminalnan uza. P'esey ningun partido ta merece un voto di pueblo si e kier sostene un gobierno di AVP.

**MARAVILLAS DE LA FE**

Salud  
Suerte - Amor

**Aruba: 748-5671**  
**Cartas di tarot**

Bo ta sufrí di un malestar cu bo no por cura?  
Bo ta víctima di bruheria?  
Bo plaka no ya jega?  
Bo compra numbernan y bo no ta gana?  
Bo ta bal casino y no puede tur bo plaka?  
Bo tin problema nan di amor?  
Bo pareja ta ganiabo?  
Fracaso, Soledad, Malesanan angustia, Mala suerte  
Comunica na 748 5671

**Clasificados**

CLASSIFIEDS

SOLODIPUEBLO@GMAIL.COM  
CEL. 585 9500

SOLO Di Pueblo

## HOOI FRESCO

A YEGA PA ALF 39,- SO!!!

**TEL: 5941317**

ADDRESS: THE GOLD MINE

RANCH ( MATIVIDIRI 6o )



# Riba Dia Mundial di Jazz Carlos Bislip ta presenta

## Concierto gratis JAM un biaha mas na Kulture Café



ORANJESTAD (11 april 2024) – Manera a bira conoci caba, sigur anto pa tur amante di e genero musical aki, luna di april ta celebra mundialmente e aprecio pa jazz. Un di su promotor y exponentenan di mas grandi riba nos isla, esta e maestro di percussion Carlos Bislip a sa di prepara, un biaha mas, un merecido celebracion. E cita pa disfruta di un anochi di bon musica ta diamars 30 di april proximo na Kulture Café na San Nicolas, cuminsando di 7'or di anochi. Entrada ta gratis cu un varios agrupacion local e internacional interpretando un repertorio amplio pa deleita bo bou di nos shelo y

e streanan. Jazz Appreciation Month of JAM ta un iniciativa di e instituto Smithsonian na Washington, DC cu posteriormente, na november 2011 e United Nations Educational, Scientific and Cultural Organization (UNESCO) oficialmente a dedica 30 di april como e Dia Internacional di Jazz cargando e obhetivo original, esta di resalta e musica cu ta uni mundo mas cu cualkier otro genero.

Na Aruba ta celebrando JAM desde 2006, danki na Carlos Bislip. E prome concierto tabata den Cas di Cultura, pero den ocasion tambe tabata na Biblioteca Nacional. E aña aki, cu ta bira e di diesnuebe edicion, pa di dos biaha consecutivo ta hacie na San Nicolas. E decision aki ta danki na e reaccion positivo di e publico. Rapidamente Bislip a ripara cu JAM tabata un plataforma excelente pa fomenta nos talento local. Di e manera ey, el a combina e studiantenan di scol di musica cu musiconan local, brindando e hobennan un experiencia hopi util. E resultado ta excelente ya te cu aworaki, 20 di esunnan cu a par-

ticipa den JAM a scoge pa sigui estudio di musica den exterior.

E aña'ki no ta diferencia y ta conta con alrededor di 20 hoben musico cu ta forma e asina yama Caribbean Combo, bou direccion di Carlos Bislip cu lo toca poco tema cu influencia di funky, reggae y mambo. Loke si ta nobo, ta e introduccion di vocalistanan. Osdelis Wester, Tabitha Heemstad y Pearl Dumfries ta compaña pa un cuartet pa presenta version di tema local.

Di su banda, e pianista Timothy Nadal, kende ta un hoben hopi prometededor, segun Bislip. Tambe ta forma parti di e concierto cu temanan tipo fusion. Ta sigui e ora ey Richard Holman, drummer di gran trayectoria cu un combinacion di jazz y tema di artista di nos region. Holman ta un musico, kende despues di varios aña purbando, a logra sincronisa schedule ya cu e tin hopi presentacion. Siguijente lo presenta Carlos Bislip Tipico Jazz, nomber cu el a duna na e combinacion di amigonan musico, ya cu ta bay enfoca riba e folklore Arubano, ademas di algun propio composi-

cion. Pa clausura di e anochi ta conta cu artista di exterior. Na prome luga tin Freddy Franken, kende ta un Aruiano residencia na Merca. Franken ta profesor di guitarra na un universidad di Chicago. Su tras lo haya e musica Mericano Chase Beard, kende tin un trayectoria largo, pero actualmente ta bibando na Aruba. Carlos Bislip ta invita tur fanatico di Jazz pa no perde e oportunidad aki pa bin na Kulture Cafe na San Nicolas. E concierto ta cuminsa pa 7'or di anochi, pero ya for di 6'or di atardi publico por cuminsa yega y tuma nan luga den e espacio pafo dilanti stage.

Ta recomenda pa trece bo mesun stoel y mesa ya cu e cantidad limita di mesa ya ta completamente reserva.

E concierto gratis pa publico como parti di JAM ta posibel danki na e colaboracion valioso di entidadnan local manera Aruba Tourism Authority Sui Generis, Aruba Airport Authority N.V., Departamento di Cultura Aruba, UNOCA, Prins Bernhard Cultuurfonds, Kulture Café, Setar N.V., Jack Daniels y Vibration PR.

Pa mas informacion tocante e concierto gratis JAM, por bishita e pagina di Carlos Bislip, Vibration PR of Kulture Cafe riba Facebook.





# Danki Aruba pa otro exitoso Fiesta Rotaria



(ORANJESTAD, 15 di april 2024) – Den number di directiva di Rotary Club of Aruba y e comision cu ta organisa Fiesta Rotaria 2024, kier yama danki na pueblo di Aruba pa e sosten cu a duna e actividad aki diadomingo 14 di april ultimo. Nos por mira atras na un dia hopi placentero den cual a disfruta, mientras cu simultaneamente a traha na beneficio di nos comunidad.

Sigur un palabra di danki

ta bay na tur compania cu a contribui, na tur boluntario cu a duna un man, na tur medio di comunicacion cu a yuda promove y na tur persona cu a compra rifa. Esaki ta e proyecto di mas grandi di henter aña pa e organisacion local y uno asina ehemplar cu a conta cu bishita di District Governor di Rotary International, Sr. Brian Glasgow pa asina por comparti cu otro clubnan di e region e manera con pa or-

ganisa un evento exitoso. Manera cu a priminti, na final di atardi a realisa e sorteo di rifa den presencia di notario mr. Yarzagaray y e resultado ta como lo siguiente:

Premio 1: 2024 Chevrolet Groove – #07754

Premio 2: 2 Tickets Aruba-Medellin-Aruba – #04872

Premio 3: Apple iPhone 15, 128GB unlocked di Boolchand's – #11554

Premio 4: Afl. 1.500,- Gift Certificate di Kooyman -



#13481

Premio 5: Afl. 1.500,- Gift Certificate di Boolchand's – #13120

Premio 6: Afl. 1.000,- Gift Certificate di Ling & Son's – #07301

Premio 7: Afl. 1.000,- Gift Certificate di AMC Unicon – #06892

Premio 8: Weekend stay na Divi Resorts Aruba – #09608

Premio 9: Afl. 500,- cash – #04061

Premio 10: Afl. 500,- cash

– #06713

Premio 11: Afl. 500,- cash – #13726

Premio 12: Afl. 500,- cash – #07543

Premio 13: Afl. 500,- cash – #10540

Premio 14: Afl. 500,- cash – #04783

E proceso pa entrega oficial di cada premio ta andando unda Rotary lo tuma contacto cu e ganadonan. Te proximo aña pa Fiesta Rotaria 2025!

## Polis a detene dama burachi drumi den auto meymey caminda cu ni tabata corda unda e ta biba

Diasabra anochi laat patruya a bin topa cu un dama drumi den un auto meymey caminda banda di R.C.A., mesora a bay atende cu e dama. Polis a

nota cu e dama tabata bao influencia y ni por a corda unda e ta biba.

No a keda nada otro cu detene e dama y lag'e pasa anochi den cel.







# Estudio ta revela e peligernan di un dieta rico den seafood

Un grupo di científico di Dartmouth College, e institucion uni ersitario di New Hampshire (Merca), ta considera cu e personanan cu ta sigui un dieta rico den seafood of marisco por confronta na un riesgo di exposicion na substancia perfluoroalkilado (PFAS, cu ta toxico conoci como 'kimico eterno') ainda mas hopi di loke a pensa anterior-

mente, segun ta referi den un articulo publica diabierna den e revista Exposure and Health. E investigadonan a compra seafood fresco den un mercado di e costa di New Hampshire, un di e luganan di e pais Norte Americano caminda mas ta come nan y a midi e nivelnan di 26 variedad di PFAS den muestra di e

especienan marino mas consumi. E nivelnan mas halto a wordo detecta den cabaron y kreeft, cu un promedio te cu 1,74 y 3,30 nanogram pa gram di carni, respectivamente, pa composicion determina di PFAS. Kathryn Crawford, profesor adhunto di estudio medioambiental na Middlebury College y autor



principal di e estudio, a señala cu door di establece regla di siguridad lo yuda proteha e personanan specialmente vulnerabel n'e contaminantenan aki. Den e sernan humano, PFAS ta asocia na cancer,

anomalia fetal, colesterol halto y trastorno tiroide, hepatico y reproductivo. E substancianan kimico aki ta acumula den tera, awa y fauna y e estudionan a demostra cu casi tur Mericano ta presenta cantidad midibel den sanger.

## Oficial di e brigada motorisa a para y detene chauffeur burachi cu tabata core malisimo riba caminda




Diasabra anochi durante patruya un oficial di e brigada motorisa a nota un chauffeur coriendo malo treciendo trafico den peliger na Palm Beach,

mesora e oficial a para e auto y a bay test e chauffeur. E test a revela cu e chauffeur a surpasa e limite permiti y a detene e chauffeur.

Clasificados

SOLODIPUEBLO@GMAIL.COM  
CEL. 585 9500



|   |   |   |   |   |   |   |   |   |
|---|---|---|---|---|---|---|---|---|
|   | 7 |   | 6 |   |   |   |   |   |
|   | 9 |   | 5 |   | 3 |   | 1 | 7 |
|   |   |   |   | 1 |   |   |   |   |
|   | 8 |   |   |   |   |   | 4 | 3 |
|   |   | 2 |   |   |   | 6 |   |   |
| 4 | 5 |   |   |   |   |   | 7 |   |
|   |   |   |   | 3 |   |   |   |   |
| 7 | 4 |   | 2 |   | 5 |   | 6 |   |
|   |   |   |   |   | 4 |   | 2 |   |

|   |   |   |   |   |  |   |   |   |
|---|---|---|---|---|--|---|---|---|
| 3 |   |   | 4 |   |  | 1 |   |   |
|   |   |   |   |   |  | 7 |   |   |
|   | 8 |   | 6 |   |  |   |   | 4 |
| 2 |   |   | 3 | 9 |  | 6 |   |   |
| 4 |   |   | 5 |   |  |   |   |   |
| 1 |   | 7 |   |   |  | 9 |   |   |
|   |   |   |   |   |  | 8 |   |   |
|   | 4 |   |   |   |  |   | 6 |   |
|   |   | 6 | 8 | 1 |  |   | 5 | 7 |



# Traficacion di hende ta sigui na Aruba



Diadomingo anochi a drenta informe di cu lo tin dos persona desde atardi lo ta para banda di caminda na Sabana Basora. Mesora a dirigi un patruya na e sitio. Na yegada di e patruya bin compronde cu person-

anan local lo a trese e dos of mas persona di Colombia y lo a gaña nan cu nan lo gana un cierto suma di placa y comision. Segun declaracion nan lo no a haya nada di e placa. Tampoco nan lo no a haya

un permiso pa keda Aruba. Si nan a muestra un contracto y hasta papel cu supuestamente nan a haya di imigracion pa nan keda na Aruba, nan a bisa 6 luna y den nan declaracion nan a menciona dos nomber. Polis a transporta e per-



sonanan cu tabata banda di caminda pa Warda di

Polis pa asina nan entrega keho oficialmente.



## HOROSCOPO

16 di april 2024

Feliz y productivo diamars. Awe Solo di Pueblo ta presenta bo horoscop pa dia 16 di april 2024.

**Aries**  
Encuanto amor, awe tur cos lo luci di colo di rosa. Lo bo dispone di placa cu bo tin mester danki na un famia. Ambiente tenso na bo lugá di trabao. Molester na bo pianan, nada importante. Number di suerte: 32, 93, 3.

**Tauro**  
E astronan lo yuda bo supera e crisis amoroso. Bo ta den un bon momento economico. Den bo trabao, bo actuacion lo wordo recompensa. Si bo ta un persona cu

ta huma, vigila bo garganta. Number di suerte: 44, 55, 4.

**Geminis**  
Cos ta un poco agita sentimentalmente. Gasta sin miedo, despues lo bo no falta nada. Confia den bo compañeronan y asina lo bo por afrontar bo proyectonan. Vigila bo tension arterial. Number di suerte: 64, 46, 7.

**Cancer**  
Den amor, e cosnan lo presenta enrikecedor. Purba di ta economicamente independiente. Un spirito constructivo den mundo laboral, lo invadi bo. Bo ta recuperando di e cansancio reciente. Number di suerte: 58, 73, 1.

**Leo**  
Cambia bo pensamiento riba amor, no sea asina superficial. Por fin bo por reforma bo cas cu entrada nobo. Bo ta di suerte, lo bo tin un aumento di categoria laboral. Bo mester haci mas ehercicio fisico. Number di suerte: 77, 18, 1.

**Virgo**  
Un sonrisa manera esun dibo na tempo, lo ta un victoria. No gasta demasiado placa, limita bo mes na loke ta necesario. Excelente momento pa aporta iniciativa na trabao. Ehercicio den aire liber ta bon pa mente. Number di suerte: 47, 39, 1.

**Libra**  
Bo pareha tin di biaha; no deprimi y sali cu bo amigonan. Lo bo gana placa cu un negoshi cu bo no ta spera. Conta cu oportunidad pa mehora na trabao. Descansa tur loke bo por. Number di suerte: 45, 46, 3.

**Scorpio**  
A pesar cu bo ta muestra distante, bo pareha kier bo. Sea prudente cu e gastonan. E apego na bo conocimiento ta impedi bo progreso na bo trabao. No haci di mas bebiendo tanto awa, tampoco no ta bon. Number di suerte: 77, 31, 4.

**Sagitario**  
Si bo kier salba bo relacion di pareha, renob'e. Den cuestion di placa, e ta miho di loke bo ta pensa. Busca aliado pa trabao, lo bo tin mester di nan. Si bo ta uza lens, no abusa di nan. Number di suerte: 96, 53, 4.

**Capricornio**  
Awe lo bo gradici e sosten di bo ambiente familiar. Purba paga e prestamo mas pronto posibel. Bo popularidad den bo ambiente laboral ta aumenta. Un molester di caracter leve ta menasa bo. Number di suerte: 66, 68, 6.

**Acuario**  
Concentra den lo presente y den bo proyectonan di famia. Controla e deseonan di gasta desmesuradamente. E proyectonan profesional grandi lo ta un exito. Purba supera flohera, anima bo mes y sali bay cana. Number di suerte: 67, 49, 2.

**Piscis**  
No desaprobecha e oportunidad cu e amistad ey ta brinda bo. Bo a propone spaar y ta bayendo riba bon caminda. Dia activo y productivo na trabao. Bo mester haci mas ehercicio. Number di suerte: 59, 92, 2.



# Blaas yena cu helium a percura pa interrupcion di suministro di coriente den area di Tanki Leendert, Tanki Flip y Shaba

Diadomingo anochi a drenta varios yamada di interrupcion di coriente na Tanki Leendert, Tanki Flip y Shaba, mesora a activa e techniconan di ELMARNV pa asina bay atende cu e interrupcion aki. Tabata trata di un blaas di helium cu a bay causa un corto cir-



cuito den e wayanan di voltahe halto.

## Chauffeur burachi a ocasiona accidente semi-frontal cu hende herida na Sabana Basora



ORACION DI DIA



**Un dia fructifero colma cu hopi bendicion di Dios**

"Ma algo tabata stroba nan bista, di moda cu nan no por a reconoc'E" Lucas 24,16

Hesus ta aparece na dos discipel cu ta na caminda pa Emaus. Riba caminda pa Emaus, Cleofas y otro discipel nan wowo tawata tapa y scur door di tristeza di loke a pasa cu Hesus na Herusalem, p'esey nan no por a reconoce Hesus na prome instante, pero mas laat y mientras Hesus tawata come hunto cu nan y El a coge e pan, gradici Dios, kibr'e y duna nan. E ora nan wowo a habri y nan a reconoce Hesus. Hesus resucita ta sali na encuentro di Su siguidonan cu ta experimenta dificultadnan y ta perdi sin futuro. Durante di Su ministerio terenal Hesus a muestra amor pa Su prohimo, ora E tawata bendiciona y sirbi pobernan, enfermonan y afligidonan. Hesus no ta un stanhero den nos caminda, pero Hesus crucifica cu a Resucita y ta busca nos. E conoce nos y ta stima nos. Den nos propio caminda pa Emaus, Hesus ta invita nos pa bin cerca dJE y pa nos sinti goso cu n'E. Nos mester invita Hesus pa keda cu nos. Nos mester renoba nos Fe den dJE cu oracion diario y honra Escritura. Asina semper Hesus ta cerca nos.

Oracion: Mi Señor y mi Dios, pa semper mi keda puntra pa Bo Señor, acudi na Bo poder y cu mi keda busca Bo cara Sagrado. Amen.

Diadomingo anochi a drenta informe di un accidente cu hende herida na Sabana Basora, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente semi-frontal unda e chauffeur di un Honda Civic a bay banda robes di caminda y a bay dal riba un Nissan Cube.

E impacto tabata asina fuerte cu ambos auto a bira y a haya basta daño y e chauffeur di e Nissan Cube a resulta herida.

Na yegada di e ambulans nan a atende e victima y a transporte pa hospital. Polis a nota cu e chauffeur di e Honda ta burachi y a detene pa a core auto bao influencia y causa un accidente cu hende herida.



PRONOSTICO DI TEMPO

VALIDO TE DIAMARS 16 DI APRIL 2024, 18:00 ORA

TEMPO:  
AWE TARDI Y AWE NOCHI: PARCIALMENTE NUBLA  
Y GENERALMENTE SECO  
DEN MARDUGA Y MAYAN: PARCIAMENTE NUBLA CU UN AWACERO PASAJERO

TEMPERATURA MAXIMO 33 GRADO CELSIUS  
TEMPERATURA MINIMO 27 GRADO CELSIUS  
INDICE DI CALOR (HEAT INDEX) DEN Y ROND  
DI ORANAN DI MERDIA: 34 PA 39 GRADO CELSIUS  
UV INDEX: 12

**AVISO/ ALERTA:**  
TA SUGERI OCUPANTENAN DI BOTO CHIKITO PA BAI  
CU CAUTELA NA PARTINAN OOST TE NOORDWEST DI COSTA.

PRONOSTICO DI TEMPO PA PROXIMO 3 DIANAN:  
PARCIALMENTE NUBLA SIN AWACERO DI IMPORTANCIA.  
BIENTO LO TA MODERA TE BASTA FUERTE FOR DI DIRECCION OOST; FUERTE TE DURO DEN RAFAGA.  
TEMPERATURA (GRADO CELSIUS) MAX / MIN LO TA: 33 / 27